




**ՀՈԳԵՀԱՆԳՍՏՅԱՆ ՀԱՆԴԻՍԱՎՈՐ ՊԱՇՏՈՆ ՄԱՅՐ ՏԱՃԱՐՈՒՄ
ՄԵԾԻ ՏԱՆՆ ԿԻԼԻԿԻՈ ԵՐԶԱՆԿԱՀԻՇԱՏԱԿ Տ. Տ. ԶԱՐԵՀ Ա
ԿԱԹՈՂԻԿՈՍԻ ՄԱՀՎԱՆ ԱՌԱՋԻՆ ՏԱՐԵԼԻՑԻ ԱՌԹՎ**

Փետրվարի 16-ին, Մեծ պահոց Արտաքսման կիրակին, Մայր Տաճարում, հավարտ սուրբ պատարագի, Ամենայն Հայոց Վեհափառ Հայրապետի բարձր նախագահությամբ, կատարվում է հոգեհանգստյան հանդիսավոր պաշտոն, Մեծի Տանն Կիլիկիո հանգուցյալ երջանկահիշատակ Տ. Զարեհ Ա Կաթողիկոսի մահվան առաջին տարեկիցի առթիվ:

Առավոտյան ժամը 12-ին, Մայր Տաճարում, մեղմ և դաշն, պաշտվում է սուրբ պատարագը Ավագ Սեղանի վրա, փակյալ խորանի առաջ:

Սուրբ պատարագին ներկա է նաև Վեհափառ Հայրապետը:

«Հայր մեր»-ից առաջ, երջանկահիշատակ Տ. Զարեհ Ա Կաթողիկոսի կյանքի և գործունեության մասին դամբանական է խոսում

Հոգևոր ճեմարանի վերատեսուչ գերաշնորհ Տ. Հայկազուն արքեպիսկոպոս Աբրահամյանը՝ «Սիմոն Յովնանու, սիրե՛ս զիս» բնաբանով (Յովհ. ԻԱ 16—17):

Այնուհետև, Վեհափառ Հայրապետի բարձր նախագահությամբ, կատարվում է հոգեհանգստյան հատուկ պաշտոն հոգեկույս Տ. Զարեհ Ա Կաթողիկոսի մահվան տարեկիցի առթիվ:

Հավարտ սուրբ պատարագի, Վեհափառ Հայրապետը Վեհարանում ընդունում է ցավակցություններ և օրհնելով ազգն ու Եկեղեցին, պայծառություն է մաղթում Հայաստանյայց Եկեղեցուն և մխիթարություն հայ հավատացյալ ժողովրդին:

Խո՛ւնկ և աղո՛թք երջանկահիշատակ Տ. Զարեհ Ա Կաթողիկոսի հիշատակին:

